


0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28



浙江圖書館



浙江圖書館



浙江圖書館



浙江圖書館



皇明名臣琬琰錄卷之八

王清劉公傳

文敏崔公傳

琴軒陳公墓誌銘

恭毅章公墓誌銘

馬公墓誌銘

王公墓誌銘

類菴趙公墓誌銘

涇野呂公行狀

浙江圖書館 瑯琊

王世貞續編

雷禮

黃佐

王直

謝鐸

賈詠

馬汝驥



珍  
金

文僖龍白陳公行狀



浙江圖書館

呂  
本

嘉議大夫南京禮部右侍郎贈南京禮部尚書五清劉公傳

豐城雷禮撰

劉瑞四川城都府內江縣人弘治丙辰進士少敏甚日記  
千言為文有奇氣選庶吉士讀書翰林於墳籍子史旁搜  
廣擴無微不祿討疑代舛不苟為同而所學益還多下之  
授翰林院檢討日稽古自鑒至於應酬敘述脫腐遠倍悉  
根理道正德二年逆瑾竊柄尋乞致仕五年起用以丁憂  
不果十年再起浙江按察司副使提督學校約章程茂德  
教所發節擊蒙不蹂於雜施又藻鑑公明甄拔皆知名士  
十四年升南京大僕寺少卿暇日作興學校隨所詣為之

是正出其悟表會滁守陳璧建科第題名碑為之紀其事  
脩云高皇龍飛草昧一時罷虎之士奮智勇胃矢石贊成  
大業大率多滁人况百五十年来濡煦王化本之經史督  
之師儒表之宅里榮之爵祿感風雲而起者又何讓於罷  
虎之盛故滁士聞之莫不興起踰二年陞南京光祿寺卿  
尋進南京太常歷南京禮部右侍郎雖留務清勝不究厥  
用而行誼蘄然為縉紳所共稱至沒之日無以為殮尤可  
以卜其素履云卒贈南京禮部尚書

嘉議大夫南京禮部右侍郎贈南京禮部尚書謚文敏崔公傳

香山黃佐撰

崔銑字子鍾更字仲息河南安陽人父陞仕至叅政廉靖  
有聞母李淑人之娠也芝產門闈及月夢蛟龍驚寤而生  
啼聲洪亮風骨岐嶷見者異之五歲口占成對十歲從父  
延安通四書毛詩能文章明年從諸儒官游博及群書年  
十五講太極圖通周易能筮弘治戊午舉于鄉庚申入太  
學祭酒謝鐸歷試稱首大竒之壬戌會試又不利乃與三  
原秦偉馬理高陵呂柟揄次寇天叙林慮馬卿同邑張士  
隆相友約明經修行母慕高虛母溺訓詁母耽詞章母陷

利名其志毅然以洙泗為師乙丑舉進士改翰林庶吉士  
正德丁卯授編脩預校實錄戊辰會試為同考官執欲私  
其子以託銑銑不可竟出他手時閣瑾竊政囚成元老奴  
僕端揆銑與脩撰何塘見瑾長揖而已瑾怒謂其黨吏部  
尚書張綵曰翰林白面後生輕薄如崔銑尤甚欲重罪之  
綵不可塘謂曰吾爾人不可易節對曰銑安義命久矣是  
歲實錄成瑾偽傳上旨史臣未練政體各降俸一級調部  
屬州縣銑改南京吏部驗封主事部諸歲縱糧長易美以  
惡銑廉出之糧長賂請權貴固執不可尚書謂曰爾謫僂  
也何苦為此對曰何勤非忠孰忠非分竟格姦庚午瑾誅

召還史館辛未會試再為同考時輔臣治文藝銑上書勸  
以及時悟主救民薦賢理財強兵毋事瑣末懇懇千餘言  
癸酉冊封周藩歸卻厚餽便道歸省甲戌還京掌廷試卷  
克經筵癸未講論語開陳治本啓沃懇切尋擢南京國子  
祭酒諸生相顧曰吾輩得師矣銑開誠心崇正義明條嚴  
祀事正文體獎雋彥警輕惰禁游戲清廩餘革蠹耗日衣  
冠坐東堂諸生朝夕問難銑響答不倦周貧佚老問疾賻  
喪士林大說逸尹梅繩南謫時友也抗瑾奪官貧且卒矣  
其母自鬻書屋銑分祿以養病為治棺斂先內書堂中以  
侍教者厚幣來謁悉却之甲申議大禮銑抗疏勸聖學辨

忠邪以回天變自分必被逮已而報休銑曰天恩蕩覆見  
老父幸矣諸生愕然如失怙恃設帳為文贈曰忠孝兩全  
出處中道銑行不役一夫囊中無江南一物惟攜古書數  
篋因自笑曰人言金祭酒我今若冰矣公卿及諸生送者  
千餘人從而渡江者又數十人群拜潛然涕下銑乘醉登  
舟歌曰故園菽水知堪養捷徑南山保未曾歸見父升愉  
愉如也日讀書洵上折衷群言明年喪內不復再娶及四  
方來學者衆銑教以研經飭行曰道在五倫學在治心功  
在慎獨論學曰古之好異者以昧心夫正物之謂格至理  
之謂物今之異言也然則心當何功而至善有別名乎聖

賢之道如日月五星點綴求異而不求其所循與否抵以  
抗名諱世而已非昧其心與孟子曰良知良能心之用也  
愛敬性之實也本諸天故曰良今取以證其異刪良能而  
不挈非霸儒與論讀書曰讀經見諸行事因事驗其經旨  
是故卒至不駭可以即變矣邇言不狎可以出令矣小物  
克慎可以舉大矣僕婢服義可以使民矣日誦六經不力  
行則得其字爾而成懼父艱哀更甚於母時著松牕寤言  
中庸凡演大學全文又著士翼政議中說考文苑春秋家  
居十六年初號後渠客有遺泗磬因號少石又定號曰洹  
野已亥立皇太子慎選宮遼起銑詹事府少詹事兼翰

林院侍讀學士少師夏言政暇過談夜午忘歸贈句曰一字  
不曾通政府十年始得見先生尋進南京禮部右侍郎庚  
子署戶部篆清耗罄弊無何進賀萬壽聖節部例公贐悉  
拒不受時有風霾之變銑自劾溫旨慰留冬過家疾作杜  
客調攝著讀易餘言辛丑病不克南行議乞休未果病劇  
卒年六十有四銑博學善談從之遊者多所感發門人如  
吏部郎中王與齡輩皆日夕依之不能舍去撫按以訃聞  
上遣官治葬諭祭贈禮部尚書謚文敏子滂舉人先卒汲  
監生至是仍命以其孫棗補廕所著書多行于世天下學  
者惟稱曰後渠先生

通議大夫南京禮部左侍郎琴軒陳公墓誌銘

泰和王直撰


陳氏之先汴梁人宋建炎間有諱譽者為嶺南清海軍節  
度使終于官子宴蔭東莞令因家邑之延福鄉由是為東  
莞人公高祖祖舜曾祖誠子祖用廣父宗彛皆不仕宗彛  
娶翟氏生四子公其長也諱璉字廷罟別號琴軒自幼聰  
敏喜學從邑庠訓導黃先生勩受書經學成領薦會試不  
偶入大學選為桂林府學教授嚴條約以身先之時有詔  
武臣子弟皆授學公日進諸生講聖賢之道所謂忠孝仁  
義之說必使身體而力行之諸生雖文武不同莫不皆有

所得都督韓觀總兵鎮守廣西猛悍不下士聞公之教心  
悅誠服每以儒師加禮焉秩滿陞國子助教永樂初近臣  
言公有治才不宜置之散地召試在優等擢知許州始至  
人以儒者易之公少有警發衆為悚懼乃更以寬厚寧民  
未幾代還改滁州均徭役時征歛禁奸戢暴民用太和太  
宗皇帝巡幸北京所過先遣廷臣察吏治問民隱治有異  
効者加陞擢馬衆皆言公績最滁人恐失之詣闕乞留遂  
陞揚州知府掌滁州事賜綺衣一襲鈔五百貫禮部宴錢  
給驛遣還在滁又九年陞四川按察使四川去京遠民不  
畏法豪吏黠胥姦弊百出公至一治以法不少貸軍中暴

橫有號虎彪大歲者人莫敢犯犯輒受竒禍公廉得實為  
設方畧密遣人捕之皆置之重典而人以寧乃建言脩武  
備慎刑罰明禮制復義倉正風俗等九事上嘉納之召還  
改南京通政使出納命令罔不明允上喜其盡職賜之誥  
命以示褒而曾大父大父皆贈通政使妣與妻皆淑人  
正統初陞調南京禮部左侍郎於稽古禮文之事尤惓惓不  
少懈又五年以年踰七十乞致仕上許焉公德行淳懿文  
詞典重人受之若拱璧其所進於上有巡狩頌平胡頌饒  
歌鼓吹天下傳誦之縉紳士大夫求碑銘序記詩賦諸作  
以發德述還娛情寫物者足相躡於門公應之如響故所

作最多今傳者有琴軒集歸田葶若于卷尤好著書凡所  
臨郡邑必采其川山人事風俗物產所以供賦稅之正而  
適上下之宜者為書以傳若潁川永陽羅浮成都等誌皆  
具存其識鑑精明取舍不妄賓興之歲公必在主司之列  
而收得人之譽及致仕而歸鄉之學者有所增益郡縣守  
令政有未達者得咨度於公黃蕭養作亂其所以制禦綏  
靖卒保無恙者公之策為多公生於洪武庚戌五月初九  
日而以景泰甲戌十月十六日終享年八月十五配淑人  
袁氏有婦道先卒又娶候氏子男二鼎乃孫男二鎰鑑將  
以明年二月初三日奉公柩與淑人合葬焉墓宜有銘以

公之友左副都御史致仕羅公亨信所有行狀來請予嘗  
托交於公知公文行政事之善且與羅公同年又知其言  
足以取信於後世諠不可辭乃為序次而銘之銘曰東莞  
陳宗來自汴梁武德桓桓莫此一方傳至於公益篤文藝  
既舊泮宮遂領民事今之太守乃古諸侯十里滁陽賦役  
優優繼登外臺克謹邦憲政肅刑清俗為之變典教成均  
學者有師執事之樞出納具宜維少春官禮樂是輔帝實  
用公公乃求去白髮蒼顏老子故鄉賢哉二疏千古相望  
山川出雲雨被黍稷功成歸來孰知其力公今逝矣汗漫  
期有美在人百世之恩



浙江圖書館

通議大夫南京禮部左侍郎贈南京禮部尚書謚恭毅  
章公墓誌銘  
黃巖謝鐸撰

成化癸卯春三月甲寅南京禮部左侍郎樂清章公以疾  
卒于家訃聞上遣工部進士黃備營葬事賜諭祭焉公之  
子南京禮科給事中玄應將以是歲冬十二月甲申葬公  
橫嶼山之原狀公行來速銘於乎公立朝大節赫在耳目  
銘固不繫于有無獨念鐸之於公仰止焉者非一日銘固  
吾黨事也其可以辭始鐸成化初被旨入校先皇帝實錄  
見公景泰中論復儲下獄事輒嘆息位下曰公䟽動萬言  
而一不之載何以示天下後世亟持以告總裁官學士劉

文安公公曰諸臣奏疏凡留中者例不得書鐸曰天下事  
復有大於此者此而不書將奚書公盍上其事增入之公  
憮然曰業已成無益也鐸至今未嘗不以為恨於乎銘固  
吾黨事也其可以辭公以正統己未進士為南京主客主  
事景泰中擢儀制郎中方是時南城懷愍之譽上干天變  
公卿百執事無一人敢昌言於廷者公遂極言修德弭災  
凡十四事曰畏天戒曰任變理曰養聖窮曰節幸遇曰務  
儉約曰勤論政曰惇孝義曰慎賞罰曰重名爵曰革巡撫  
曰擇重臣曰辨異端曰却貢獻曰汰冗官皆譏切時病傳  
以古義而於畏天戒惇孝義尤惓惓焉太要以為臣子之

邦妾婦之嬌妬小人進而君子退夷狄強而中國弱刑不當罪賞不當功賊後繁重紀綱散壞凡皆在人之陰足以勝陽于是乖氣致沴而天變見矣况上皇為天下之父陛下為上皇之臣上皇以天下授陛下陛下以天下尊上皇今若是尤天監所在而不容以偽者誠不可不念同氣之親推猶子之義率群臣時見上皇詔沂王復居儲位如此則五倫全備和氣充溢天心自回災異自弭且曰臣非不知逆耳之言出而身心危然臣身輕而朝廷重使朝廷事安則臣身雖死亦無憾矣疏入上天怒逮繫詔獄連五日榜掠無全膚必欲置之死天忽大風雨黃沙四塞獄遂稍

緩得不死初御史鍾同亦上言令諸司各陳所以致灾者  
因以復儲事風禮部老臣縮不敢對曰作死作死公䟽方  
具奮曰我復不言當誰言者遂言之至是乃并逮同明年  
秋南京大理少卿廖莊亦繼公有言詔廷筮八十幾死且  
并筮公暨同同死獄中天順初首詔釋公檢公䟽無所得  
內臣有能舉以誦者上繫節嘆賞即日擢為禮部右侍郎  
未幾同列有中公者更出為南京禮部上特御文華殿慰  
遣之以白金文綺賚焉尋轉南京吏部先皇帝上賓遺詔  
嗣君婚禮不得過百公復極言三年通喪達乎天子今山  
陵尚新元朔未改諒陰婚配實所未安禮官大臣爭排公

賴上聖明不之罪秩滿稍遷南京禮部左侍郎以內艱乞  
致仕許之公平生以天下為己任凡朝政得失生民利病  
知之未嘗不言言之未嘗不盡方其未論復儲也嘗陳太  
平致治十六策以至籌邊圍通楮鈔莫寬恤增解額亦屢  
言之蓋已亡慮數千萬言其始脫詔獄而為禮部也山東  
以水災告戶部尼不行則特奏得減租十之五王府以火  
災而同列執以列則特講得得賜金五百兩蓋其既陪且  
奮而抗言讜論不少挫衄有如此者噫公平官先後不四  
十年在南京者恒十之八立朝之曰蓋十不能一二而其  
反覆論諫已若是其盛使公坐廟堂立殿陛與天子相可

否是非則其所以為世道計者當何如耶公初諱崙尋改  
綸字大經本吳姓其先閩人五代時有為閩王太傅曰仔  
鈞之孫貴避亂徙樂清南閩凡幾世諱開宗者任元為德  
清典史後章氏因以為姓實公之始祖也曾祖諱性不仕  
祖諱新民父諱文寶皆以公貴累贈南京禮部右侍郎公  
生永樂癸巳享年七十有一配朱淑人先生九年卒子男  
三長玄清亦先公卒次玄應以乙未進士至今官次玄會  
以恩補國子生女一適永嘉縣學生陳俊孫男六女四公  
自少輒嗜學不事家人生產嘗截枯竹繼晷晝夜誦不休  
父之出從春官主事黃岩章先生取學反為郡學生則又

郡守何公文淵參質疑義既歷官南北聚書幾萬卷自六  
經子史以至星曆醫卜皆搜抉務達其要以為文之有闕  
世教者莫先告君之詞故平生之文奏議為多而間發為  
詩亦不事雕琢而自成一家有拙稿困志集思錄凡若干  
卷藏于家公性質直坦易與人無貴賤䟽戚一咲之間洞  
見肺腑至其臨大事決大議則凜不可奪自號戇夫或勸  
公少貶以徇曰在我者有義與命在彼者吾不知也故悅  
公者寡不悅公者衆然至論立朝大節未嘗不以公為首  
稱於乎歲寒乃見松栢我國家承平之治至宣德正統而  
極極熾而豐小大之臣方仰承德意以將順頌美於不暇

所謂憂治世而危明主者已絕無而僅有蓋於是得二人  
焉曰翰林學士李公時勉曰翰林侍講劉公球至於景泰  
之季而公實繼之公以二聖之恩克保晚節已上媿學士  
公無媿故雖不必若鍾以必至乎侍講公之死然究其所  
至固非嘗試而幸成者則其於廖已益有光矣於乎公固  
一代之偉人也哉公之郡行不止是給事君能文蓋別著  
之家乘鐸不得而論論其繫天下國家之大者以銘公墓  
以備國史之缺以明示天下後世亦公之志也銘曰浚恒  
之凶世具曰非吾寧為激而不以隨罔孚之俗世具曰是  
吾寧為罪而不以耻我思古人猛虎藜藿孰與重輕發蒙

振落我思古人砥柱狂瀾孰與有無摸兩端彼何人斯如  
鬼如蜮不有君子吁何能國我作銘詩以告萬世紛紛鄙  
夫敢拜公墓

浙江圖書館

浙江圖書館



浙江圖書館

明故通議大夫南京禮部右侍郎贈尚書馬公墓誌銘  
公諱廷用字良佐姓馬氏四川西充縣人大父諱覺照父  
諱鐸俱以公貴贈通議大夫南京禮部右侍郎祖妣朱氏  
妣賈氏俱淑人賈初夢月入懷而公生性穎異讀書過目  
輒成誦外大父鄉進士賈公嘗語人曰是兒他日必亢馬  
宗稍長從廣安曾謹思學易年十四巡按御史餘姚胡君  
寬試其文大竒之曰是翰苑大物也成化四年舉于鄉卒  
業太學大司成丘文莊公合六館士試之以公為首由是  
名震都下十四年舉進士改庶吉士進學翰林十六年授  
編脩二十三年同考禮部會試尋丁祖妣憂弘治四年起

復時與野亭劉司直涇川張仲湜東川劉仁仲及予相倡  
和有詩名六年充廷試受卷官尋陞侍讀侍經筵八年主  
考順天府鄉試所取多得人九年與脩大明會典明年陞  
南京翰林侍讀學士前胡御史僑居江寧公往拜之迎謂  
公曰吾言果不負矣太宰倪文毅公為人簡亢少許可每  
諸公輒抵掌談論夜分乃罷十五年陞南京禮部右侍郎  
復與楊遂菴儲柴墟林見素呂秉之為文字友嘗署南京  
戶部會歲歉江北流民就食都下者相屬留守諸司議所  
以拯救之法或以為當請于朝公抗言曰若待奏請而後  
賑濟數萬人將化為鬼物矣古人固有矯制發倉者吾請

獨任其罪衆是之賴以全活者甚衆既而奏上果如所擬  
守備成國朱公以祭告攝事與太常議禮不合互相論奏  
且移文禮部公判之曰尊君事神務在得體量情協禮貴  
無僭差或者見之曰此十六字南山判也議始定公臨事  
斷決類如此正德四年再引疾乞休得允歸治田園與親  
友日相從觴詠為樂言者交章薦之冀其復起十四年正  
月二十四日卒訃聞命禮部諭祭工部治塋域仍贈南京  
禮部尚書異數也公長於經學以易為潔靜精微之書近  
世作義者或離引他說殊戾本旨乃會程朱傳義發為文  
章成一家機軸學者宗之為詩文不喜鉤棘聲牙之語所

著有紫崖集若干卷藏于家紫崖西充望山也公家世居  
之因以自號公天性孝友初登第時見同年蔡君復登輒  
愀然泣下黎問之故曰君始發解吾先人舉君以相屬豈  
意今日得與君同榜恨先人不及見是以悲耳事兄廷惠  
撫從弟廷實及從子企俱有思禮居家治官事必循理而  
協之情要在道可行時可濟區區其詭名聲之事不屑也  
衣冠言動亦簡朴不為華靡接納後進恂恂如畏至議論  
古今人物得失高下慷慨直言聽者忘倦嘗語人曰吾少  
貧每會試問闈萬里或負書徒步往來未嘗以為苦曰男  
子事當如是耳配何氏封淑人有內行先卒子男七人長

金浙江左布政使次介次俞次龠德安知府次全國子生  
次龠次龠女二人長適南部李廷輅次適內江李宜嗣諸  
子中出何者七二少房李出也孫男六人公撰公措公揚  
公林公 公 孫女五人曾孫女三人公生于正統十一  
年正月三十日得年七十有四以卒之 年 月 日葬  
于停紫山之陽先事知府遣人來京師請狀於禮部左侍  
郎兼學士石君邦彥以屬予銘予與公為同年又同官翰  
林相知最深非予孰宜為公銘者公才足大用而優游散  
地退又早不究其用布政有文行亦不幸早世有餘不盡  
者將於知府及諸孫收之銘曰 紫巖鍾靈是生才賢知

嶽之神帝編之學深造自得不襲故陳始遊太學受知司  
成名聲振振致身詞苑攻苦好脩輝光日新乃長南署遂  
二宗伯夙夜推寅位高地散維以養望其用莫伸時有兼  
攝少出其緒亦足惠人未老而休志尚可則風動縉紳勉  
學力田教行於家鄉里所遵胡不永年善類嗟若德靡有  
隣帝念舊學賜葬加秩降此溫綸不朽者存何以識之刻

辭貞珉

揚廷和撰

浙江

南京禮部侍郎兼掌國子監事王公墓誌銘

賈詠撰

公偉瓚字思獻姓王氏別號甌濱系出宋文正公後生而  
莊重髫年自知問學天性穎異書史過目成誦弱冠訪伯  
氏二守於汝州河南督學吳石谷見試大加稱賞己巳石  
谷復督兩浙遂補郡庠生廩之乙卯領鄉薦第三明年廷  
試一甲第二授翰林編脩纂修大明會典己未會試命為  
同考官庚申八月丁外艱服闋北上癸亥纂修通鑑對數  
等書乙丑充經筵官兼崇聖堂校書三月殿試掌卷九月  
武宗皇帝即位賜賚銀幣募修泰陵集錄丙寅三月進日

講官陪祀太學六月通鑑纂要成命梓行時閣宦劉瑾覽  
其中見斥宦官甚詳遂震怒公由是待罪罰俸八月考九  
年滿擢侍講經筵日講纂修如故十月梓通鑑竣事諸臣  
進秩有差公止賜金以瑾怒未解也戊辰九月公進講舉  
直錯枉章分別君子小人更切閣宦瑾在上左右瞋目變  
色侍班皆為公危次日降旨切責賴李西涯學士救解調  
補國子司業瑾且日使諸校伺公私公守正無他竟莫能  
中之尋瑾誅公擢南京祭酒憫學校葉與諸生講根解極  
要領嘗謂曰凡讀一書必得一書之旨致之實用毋徒作  
文應舉而已又曰為學莫先於敬於是作正教編直穎百

粵隨梓之傳播四方是時例貢八監八千餘人多豪貴子弟奔競成風少拂意輒叢謗前任坐是去公至一以公平處之久之始定癸酉改北監疏請歸省上允之甲戌抵任復為五經膚見東西壁銘靜齋誠齋箴由是學者多宗理矣乙亥以母老乞休終養奉旨慰留仍命經筵進講會推禮侍諸生奏乞留公久任丙子復會推禮侍諸生奏乞留公久任丙子復會推遂擢禮部右侍郎眷注甚厚賜金織龍衣縮環鑾帶獵南海賜鹿兕尋進左侍郎時儲位久虛車駕不時巡幸公憂形於色上疏言內鮮儲二無所附屬伏望就親近宗室擇取相應一人育之宮中俟元子肇生


自可優禮遣歸藩國疏入留中七月駕幸居庸公復力疏  
請回鑾且謂聞旨遠來取犒軍銀百萬既難辨真贗且當  
防後變詞甚剴切慈聖太后崩公充議謚官是冬持節封  
益府玉山王已卯十月上賜白金采幣命督軍守德勝擒  
賊首齊俊劉英等賜大紅五綵蟒衣飛魚各三襲白金文  
綺復召至文華殿賜金賞功牌宮花襲衣金帶庚辰會試  
公知貢舉官兼總提調三月宮車晏駕毛尚書迎駕安陸  
公署部印奉懿旨擇地得吉於金嶺復命賜金鈔文綺四  
月今上皇帝駕至京公以議禮與內閣不合復兩疏乞休  
終養時廷論以公老成練達當贊新政辭宜勿許內閣不

獲已改公南京管事六月抵任署印吏部請兼掌國子監  
十二月會推禮部尚書內閣方忌公遂阻之壬午太淑人  
朱氏亡哀痛疽發于背扶疾奔歸上命官營墳諭登公考  
蓋特恩也公以甲申疽復發四月十一日終于正寢距生  
成化壬午十月十六日壽六十有三訃聞上嗟悼之命進  
士吳鵬營墳諭祭贈禮部尚書謚曰文定公為人脩偉温  
厚終身無疾言遽色居家孝友蒞官清慎勤恪兩為祭酒  
四典春科其得人最多徒衆附門籍者無慮萬數尤好獎  
士類遇里閭童子不欺下天翕然稱王公長者斯誠鞠躬  
君子也然以忤中貴歷兩朝仕進紆徐逮事今上皇帝未

幾上方柄用老成天下倚公為重即公柱石其輔養啓沃  
必有古大臣風而公逝矣悲乎為文氣格閑雅思如涌泉  
頃刻數萬言變態莫可名狀詩渾然天成諷之知為唐音  
書法似顏魯公晚更自得生平泊然無他好嗜義如利其  
出使王府贈酬及琉球國咨奉謝會一皆辭不受性好書  
挿架盈萬卷退公每手自校讐辯疑至忘寢食所著有甌  
濱稿八十卷五經膚見正教編東廂漫錄藏于家配應氏  
加封夫人男四邦儀邦輔早夭佖歷官南京工部郎中健  
進士歷官南京光祿寺少卿女五其子佖持狀請予銘予  
與公同丙辰第同事三朝知公深且厚故為敘述行事勤

之貞珉俾後之歆論公者宜莫信於予言銘曰山川間氣  
哲人挺生實載明德對揚大廷修史翰苑侍講經筵反覆  
規諭致觸奸權從容外補靡阿靡附穆穆師言作士矩度  
陟二秩宗歷乎南北維寅維清無思不服建儲正輦悽悽  
至誠誰則敢言朝陽鳳鳴運直隆興斯人云亡不慙一我  
俾屏我王當宁褒嗟贈官賜謚哀營始終昭茲信史厥施  
未究延于後系於戲文定不顯亦世

浙



浙江圖書館

明故嘉議大夫南京禮部右侍郎類菴趙公墓誌銘  
嗚呼類菴趙公亡矣訃聞 上悼之賜葬祭如例蓋異數  
云符庚以太史梁君狀來乞銘如公者可無銘哉公諱永  
字爾錫別號類菴元松雪學士之後世居江左元末徙鳳  
陽之臨淮祖雲從龍北渡遂籍于京父貴號退菴有隱德  
能服賈致禧樂善好施年六十無子禱玉泉山始生公公  
生而豐顱廣頰秀眉炯目讀書里塾中一覽數行退菴竒  
之遣從西涯李文正公授尚書學研精殫思盡悉所傳又  
大肆力於諸子百家及老釋星曆卜數之書學由是日益  
博洽沛如也詩亦脫灑有唐人風涯翁深器重之弘治庚

成退菴卒公號泣曰養不逮祿罪其若之何慟幾絕戊午  
領順天鄉薦壬戌登進士第八翰林為庶吉士時大學士  
厚齊梁公奉命教書每試必加稱賞解館授編修 武廟  
初脩孝皇實錄充纂脩官未幾充經筵展書兼內教書乙  
丑三載考績勅贈退菴如其官母胡氏封太孺人丁邲太  
孺人疾竟卒公又慟幾絕服闋起復翰林辛未為會試同  
考稱得人如大學士陽峯張公其尤也甲戌復同考試其  
所得士如蔡公昂黃公初者俱賜及第壬申擢侍讀充經  
筵講官賜寶鑑金幣尋陞右諭德掌右春坊事丁丑試  
武舉 上命公同大學士序菴主試事素所稱知謀才勇

士皆入彀 武廟歸自北守以公講幄近臣有居守之勞  
特賜大紅麒麟紵絲銀牌等物已外祭酒負缺即擢公公  
曰吾以一介儒生為國子師非竭駑鈍其何能報于是端  
範模易士習抑僥倖杜請托以故一時人士有實學實用  
者公作養之力居多三載進朝列大夫贈退菴如其官母  
胡氏為恭人 今上登極公疏請脩太學得允駕幸太學  
遣中貴諭止師生迎送幸彛倫堂命公坐講尚書及諭勉  
師生公具表率諸生謝 上御奉天門賜織金孔雀紅紵  
絲織金紅羅衣各一襲賜宴禮部復勅賜勉師生其優禮  
榮遇如此 上初御經筵公首侍講讀賜寶鏹金幣未幾

補日講官每進晉講必積誠以冀感通乃臨講過慎語訥  
上方優禮儒臣体亮之為輟講至再公惧以疾辭章凡  
十上不允尋遣序班李正齋旨至私第諭出供職公感恩  
流涕詣文華殿致詞謝乃出凡書郊祀必奉命視牲分奠  
壇壝初祀南郊宣公日講四人至幄次賜五米飛魚綸帶  
駕旋賜宴奉天殿甲申陞南京禮部右侍郎時翰林官白  
下者八人結瀛洲仙會談者以為一時之盛云無何以風  
土未宜乞骸骨得請喜曰吾生返故廬矣杜門凡二十年  
言官薦之有博學洽聞可備顧問叅贊等語御史王君瑛  
冢宰汪公鏞咸有薦書然公意不欲起丁未壽八襄門生

故吏率稱觴為壽乃忽遘疾而終嗚呼悲夫卒之日為嘉  
靖戊申正月二十八日距其生則成化己丑十二月十五  
日也是夜半有光燭戶次夜星殞公屋斯不異哉初娶叅  
政李公某女封恭人早次卒娶光祿大夫都督王公某女  
封恭人有懿行亦卒生一子即符庚順天府庠生勤學孝  
友綽有父風娶李氏女一適都御史楊守謙早卒側室杜  
氏生三子曰符已鴻臚寺通事娶張氏次符丙符甲尚幼  
孫一曰慶元孫女三所著有類菴稿南錄瀛洲賦凡幾  
卷公家近輦轂而心尚恬退子孫滿前安享名壽可不謂  
聖朝知幾君子哉子符庚等將以某年月日奉治命葬公


於城西傳家庄祖塋側新北礮貞石以余所銘者刻諸墓  
中余往同公拜西涯公墓語及涯翁事公輒泫然涕流不  
二年而余又為公銘則夫泫泫然為公涕者余又可已哉  
於是揮涕而銘之其詞曰公之初生玉泉降神如彼崧高  
生甫及申少有師資蘊為儒珍蜚聲翰苑班馬之倫南京  
校藝俊傑攸甄濟濟門生展也名臣今皇御宇公長成均  
幸學坐講適際昌辰恩禮並隆厚賚 溫綸棟梁攘捕多  
功作人乃擢禮侍台鼎方新南北殊候䟽病乞身杜門燕  
旬習靜安貧薦書交至公不求伸年適八襄盍馬返真公  
有子孫為鳳為麟百世卜葦光寵如雲典刑在望山嶽

嶙峋



浙江圖書館

卷一



浙江圖書館

通議大夫南京禮部右侍郎贈禮部尚書涇野呂公行狀

綏德馬汝驥撰

公呂姓諱拱字仲木號涇野高陵人學行為四方學者所  
宗稱為涇野先生云中弘治辛酉鄉舉第十正德戊辰會  
試第六廷試第一歷官翰林院修撰解州判官南京吏部  
考功司郎中南京尚寶司卿南京太常寺少卿國子監祭  
酒南京禮部右侍郎致仕按呂氏本太公望後宋時有諱  
世昌者居高陵故世為高陵人又幾世生彬卿彬卿生八  
八生興興生貴貴生鑑鑑生溥號渭陽公配宋氏生公昔  
葵彬卿祖時其有聲如雷卜言兆顯六世至是公生敦

厚穎敏特異始就傳於周尚禮習小學之節邑高卽中見  
曰此子他日必成大人君子不但科第而已提學馬君竒  
之命為弟子員時未總州輒有志聖賢之道乃夏居矮屋  
衣冠危坐雖炎暑爍金不越戶限至冬月初寒則履藉麥  
草誦讀恒夜以繼曰年十四應試臨潼貧不能假館宿新  
豐空舍夜夢老人自驪山而下謂曰爾力學後當魁天下  
既試補廩膳生母宋卒公哀毀骨立既受經於高教諭儔  
邑孫行人昂請益於渭南思菴薛氏乃試於提學楊邃菴  
王虎谷二公屢冠多士爰拔入正學書院授以所學由是  
見聞益博嘗夢見明道程子東萊呂子就正所疑學益大

進於時熊李二叅政聞其賢延為塾師公以禮無往教辭  
乃遣子就學所居寺中一日聞父疾走還二叅政命驛馬  
追逆弗受父疾尋愈乃居雲槐精舍熊李二生及多士皆  
來就學公食穀麩餅有上客至與共之鄉舉後與三原秦  
憲使世觀馬光祿伯循掄次寇司馬子惇安陽張憲使仲  
修宗伯崔文敏公仲鳧林慮馬都御史敬臣講學於成均  
又與一二同志輟舉業務博文約禮規過輔仁以道相望  
雖衆以為迂諱而弗恤更歷五禩而踐履篤實晬盡外著  
蓋不知夫富貴之可淫貧賤之可移威武之可屈矣會孝  
廟賓天公與同志哭臨聲出淚下通國異而諱之弗變孫

行人歿公服哀哭拜吊者戊辰廷試策對仁孝武廟嘉之  
賜狀元及第傳臚之前欽賜冠服帶履至友人謂眼習客  
覲公如言若固有之明日有中官橫加賀禮卻之祿入祀  
先祀稱某之子某何太史粹夫題之凡父母賜書再拜使  
者受之退而跪讀餘親友書受讀有儀聞期功總喪必為  
位而哭凡贄非禮不受在官二年西夏亂公疏請上入宮  
御經筵親政事臣可常保富貴時中官惡其言因嘗卻賀  
禮又不往見欲殺之乃乞養病得歸中官使校尉尾至真  
定不得其過而返抵家數月中官凌遲入服公明公居家  
杜門謝客糲食草茹若將終身涓陽公問責次子粹公跪

勸之梓逃乃朴公伏地受之怒輒解臺諫交章薦曰當劉  
瑾擅政縉紳側足乃能不顧時忌求歸且學問淵粹安貧  
守分以斯介行使立朝必能振起休風勸懲頽俗遂起用  
入朝乃上勸學䟽畧曰昔周文王緝熙敬止咸和萬民斯  
享靈囿之樂元順帝廢學縱卻盛有臺沼我太祖一舉而  
取之上嘉納時軋清宮災公應詔陳言一日逐日臨朝聽  
政二曰還慶宮寢預圖儲貳三曰郊社禘嘗祇肅欽承四  
曰日期雨宮承顏順志五曰遣去義子番僧邊軍令各寧  
業六曰各處鎮守中官貪婪取回別用又累講勸上舉直  
錯枉䟽後引疾乞歸友人崔後渠氏言於京曰仲木去就

可謂必矣時四安秋旱禾稿有司槩征租公言於當道獲  
薄征張仲修為御史築河東書院成請定三晉應祀名賢  
公既論其祀又答以書曰後世之論弗正多貴言賤行故  
馬融訓詁雖附勢殺賢猶祀孔廟尹焞守死善道如朱熹  
亦短其致知以孔顏之學觀之後儒失之遠矣故今定祀  
惟取大義不論文辭俾學者知所趨面王都御史薦公篤  
學好古乞代已官涇陽公病公侍湯藥晝夜衣不解帶履  
恒無聲如是一年髮鬚變白丙子五月涇陽公卒公哀毀  
嘔血先母宋權厝城東至是啟壙失一指公號天痛哭乃  
復得之遂合葬時大雨如主公徒跣擗踊泥中會葬者皆

感泣稱孝既葬廬於中門之外旦夕號慟時陝西鎮守中  
官廖氏饋以金幣諸物卻之有客記交游以三百金求書  
公曰人心如青天白日不意視如鳥獸交遊漸而退盛都  
御史朱熊曹三御史交章薦曰學術閎深操履純正甘貧  
體道人望攸屬上登極起用明年改元嘉靖復館職纂  
修武廟實錄進講虞書適值仁祖淳皇后忌辰公口奏存  
祿服之禮罷酒飯之賜癸未充會試同考試官所取士二  
十餘人皆名士嘗上疏請溫尋聖學曰學貴知要而力行  
故慎獨克己上對天心親賢遠謔下通民意伏望聖上尋  
溫體驗甲申四月奉修省以十有三事自劾疏上出山西

解州判官至解首恤無告及諸貧困以贖刑木綿米肉給  
之見解之丁差徒倍他邑乃懇告當路會議分派槩省解  
民獲蘇於時解人及四方士多徒遊者乃即廢寺建解梁  
書院祀往開來復選民間俊秀子弟俾習小學之節歌豳  
南之詩又令諸耆德俊民朔望講讀會典諸禮及行藍田  
呂氏鄉約凡冠婚喪祭俾皆尊聞行知察諸孝子義士節  
婦咸遵奉詔旨題表其門復求子夏之後令其入學建溫  
公之祀而序其集築隄以護鹽池疏渠以興水利桑麻  
以導蠶績於是士民率由風俗丕變屬縣亦觀感而化盧  
御史交章薦曰興學而人才丕變勵倍而禮讓大行乃升

南京吏部考功司郎中四方從學士及州人皆冒雨逆至  
河千既去解人思之不忘豎碑以識遺愛至留都日親吏  
牘忘其煩勞大司馬王浚川公薦曰性行淳篤學問淵粹  
升南京尚寶司卿乃復授學鷲峯禪寺東南之士及門者  
益衆壬辰冬升南京太常寺少卿乃迎繼侯就養又禁道  
士俗裝每月令演樂者再南京太廟災例上疏自陳乞罷  
黜不許時閣大臣再斥再起九卿大小皆遣人候之塗有  
以約公者公曰予與之無一面識不敢輒通刺加禮也閣  
臣有甥官南京納好者尤衆公自常禮外不交一言後屢  
欲退公官未果也會閣臣病歸乙未升國子監祭酒首發

明監歸教人以正心為本忠孝為先取儀禮及為詩樂圖  
譜俾諸生講肄每試刊文之優者以式焉士復申明監規  
五事上皆允行公在監諸生有疾必問而醫有死者必哭  
而歸骨其卿有喪父吊且賻有孝廉著聞者則識諸簿榜  
以旌之又先撥歷示勸仍奏減歷以通淹滯於是兩聽六  
堂諸屬皆觀法清慎諸生皆以德行道義相先而禮樂並  
行聲容俱美諸公侯子弟皆率教樂學諸觀政進士及歷  
事舉人數就而問業中官沈東亦時至聽講乃後張御史  
薦云德行表儀諸生文學風動天下升南京禮部右侍郎  
九卿謁孝陵着祿淡衣同寮曰盍著緋公曰上陵望墓生

哀服祿為是衆從有蔡生諸塩商墓志不獲同寮為之請  
曰蔡生有相才可物拒公曰一書生而遨遊權貴之門得  
志則下陵可知繼為相吾弗取也終拒之時皇太子生以  
覃恩得贈祖及父如已官祖姚姚繼母及妻俱得贈封淑  
人次子昺蔭入太學公有微病疾因使具疏乞歸會公長  
子田在京疏不得投返其使意不遂前閣臣病歸者死同  
寮九卿翰林蔡公乃不拒曰今不可違衆也初閣臣暴橫  
其卿侵田宅無筭既死按浙御史或直之同寮為疏告之  
凡力保其家公與書責其阿私黨姦且望其一變為正人  
同寮復曲以書辨稱閣臣十善公歎息而止署南京吏部

印乃䟽薦時賢備任用又薦將朴數人尋進表朝賀畢見  
閣大臣閣臣曰某匪人公曰愚與居未知其非祇見其才  
耳公合天下之才以事聖主可也閣臣不悅公返留都已  
亥春累䟽乞停止親視山陵及慎重大禮上悉納五月復  
進聖節表道過河南餓見 盈途語所在郡縣瑾之抵京  
值奉先殿災例自陳上允其致仕公既與閣臣忤及入京  
乃閣臣先來見餽之酒肉語款而禮勤已乃得致仕閣臣  
意也歸事繼母侯孝養備至侯病頭風畏寒親為艾褥進  
乃安張御史按陝薦公雅志安貧力學敦行忠信篤敬規  
矩準繩辛丑春候卒公哀毀殯殮如禮壬寅六月公左臂

病癰至七月一日卒距生則成化己亥四月二十一日享年六十四歲卒之日食時復有大星流光震隕之變遠邇吊者以千計大夫士及門人悲痛如私親街走巷哭為罷市三日解梁及四方弟子聞訃皆為泣哭公體貌豐厚方面微髭輪耳海口目光有神平居端嚴凝重及接人則和易可親性至孝友室無婢媵戊子歲饑以常祿周諸宗族戒子姓敦尚儉朴事叔博如父姊劉家貧嘗分財濟之痛外祖之嗣每展墓流涕從舅宋瑾流同州特尋訪迺歸平生未嘗請謁于人亦不受人干謁不置生產既歿家無長物常以誠敬自持言必由衷行必由道門人侍數十年者

未嘗聞見有偷語惰容其事君耻不若舜禹交友惟恐不  
竭其情以善養人人有不歸於善愀然若擠之窞也所在  
四方士輒就而問學授受有籍本於六經務近衷切已踐  
德修義而標準以賢聖不躐玄遠談新異語曰篤信好學  
守死善道公盖有焉嗚呼使其道大達於天下其去平康  
正直之外殆庶幾乎所著述有四書因問周易說翼尚書  
說要毛詩說序春秋說志禮問內篇外篇涇野文集詩集  
宋四子抄釋小學釋史館獻納南省奏議寒暑經圖解渭  
陽公集史約上統詩賦曲頌監規發明署解文移高陵志  
解志漢壽亭侯集魏氏宋氏族譜詩樂圖譜共若干卷公

配李氏南京國子監典籍崇光女有淑行內助居多生男  
子二長田舉人聖桑氏繼劉氏張氏次昀思生娶張氏繼  
王氏孫男二師臯田出師伊殤孫女一幼俱昀出田昀將  
以某年月日葬公邑城良偶渭陽公墳左先期泣血告哀  
於立言垂世之君子以求碑志顯汝驥狀其行汝驥謏陋  
不足揄揚於公萬一然以鄉人後繼公為館職有寮雅又  
與公長子姻連德義緒言往往得以師法而公顧謂我友  
也竊念閔中自橫渠張子後雖英豪間出問學不湮然在  
今日則公暨馬谿田氏實欵續承前賢導啓後學其力則  
弘公之卒也谿田氏寄訃汝驥言殊痛切而重以二子之

請是故不敢以辭謹述梗槩備採擇若夫諸經子史集大  
旨皆別有叙論茲不具謹狀

浙江圖書館

故嘉議大夫南京禮部左侍郎贈禮部尚書謚文僖

龍白陳公行狀

呂本撰

公諱陞字晉甫姓陳氏別號龍白其先自南朝居於吾姚  
開原鄉之登洪里至宋有諱仲德者當宣和建炎間兩以  
率鄉兵禦寇功授南畿都統領乃公之十三世祖也六世  
祖諱仲從開原徙姚江之南學宮之西居焉遂世為東南  
隅人高祖諱孟雍贈吏部文選司郎中妣吳氏封太宜人  
曾祖諱雷封彰德府同知贈湖廣布政使司左叅政妣孫  
氏封太宜人贈淑人祖諱廷敬薊州判官贈工部營繕司  
主事加贈廣西布政使司左叅議湖廣布政使司左叅政

妣于氏贈安人恭人淑人考諱煥號西愚光祿寺卿妣胡氏封安人恭人淑人公生而白晳豐腴自孩提嶄嶄露頭角有巨人志不與群兒戲狎兒者必為西愚公賀西愚公亦心自竒之髻亂俾從塾師書一再讀不忘十歲能文才思駿發多驚人語一時同學莫敢望弱冠八邑庠為弟子負督學白泉汪公校文置峻等廩之嘉靖庚子以禮經魁浙江鄉試明春復魁會試廷試三甲第三卷徹御覽改庶吉士而公之名聞於海內矣公益感上知遇夙夜勛心勞力遍讀中秘書每試輒先儕輩館閣諸老翕然以公輔罷期之公顧抑抑自持言若不出諸口士類莫不歸心

馬癸卯授翰林院編修乙巳充纂脩會典官丁未充德府  
冊封副使燕享外毫髮無所受王特加敬焉庚戌充會試  
同考辛亥丁外艱奔喪歸而仲兄太守墀亦歸自延平相  
與哀泣幾絕日從兄仲吉地得柶魯相慶曰此可以安吾  
親矣乃匍匐營塋事悉遵聖賢之禮三年間悲若如一日  
吾姚人動以爲法甲寅服還任乙卯九載秩滿擢本院  
侍讀丙辰又充會試同考戊午主考應天鄉試公念以人  
事君其事至重每承校閱之命殫精竭力去取不爽錙  
銖故所得多佳士是年冬以資深擢左春坊左諭德辛酉  
擢侍讀學士掌院事壬戌禮部右侍郎缺銓曹以公陪推

先帝特以擢公九月轉左甲子丁內艱與弟兵部郎中觀  
冒暑從陸奔喪不知哀毀之過甚也大事既襄思念二親  
不可作欲養無從明發多不寐丙寅眼闕乃於故址築室  
遂有終焉之志然士類謂公豈宜久在家食顯顯望公起  
於是暫補南京禮部左侍郎公蒞任未幾有旨修鳳陽  
皇陵及壽春王墳公當率屬會撫按守備相規制程物力  
諏時日至則徒步往返餘二十里又心計手書悉出於公  
殊為勞瘁是夜四鼓痰作喉下痰聲如沸泉良久漸微息  
侍者以為熟寐廝明視之則既卒矣乃丁卯十月二十日  
也距生正德己巳十二月初九日享年五十有九郡守具

棺殮撫臣奏聞且請卹典從厚 天子震悼制若曰聞某  
稚恬靜况殞身公役下禮部議報於是遣官諭祭有司營  
塋謚文僖贈禮部尚書人臣榮哀之典無所不備誠異數  
也公性質醇粹器度宏大平生安於義命不欲與物為競  
其於官職進退遲速尤未嘗閤念昔 先帝用詞臣撰文  
頗速化公獨再三堅辭當時大老甚訝之予為言人各有  
見也不必強觀此則公之賢於人可知矣其在翰林二十  
年讀書談文之外無所好亦不輕為遊觀掌內外制甚久  
正大典稚真可華國即超叙不為過因其澹然自守而推  
轂者亦鮮乃 先帝独鑒知之而郊廟命之陪禮殿工命

之閱視癸亥虜犯薊鎮勅守皇城而禮侍之擢 出簡眷  
蓋大拜爰立可佇而俟也今不幸已矣公居家孝友以伯  
兄陞早世請於太淑人以仲兄之子鎬後之與之均產庶  
弟庠生陞太淑人所鍾愛而公愛之尤篤處宗族和而有  
禮倡儉約之風歲時宴會使富者不靡貧者不廢且約束  
子弟務循孝謹毋墜家聲飭僮僕毋敢生事與鄉人處恂  
恂無惰容遇事內蘊甚明而不欲遂為懸斷徐露其倪未  
嘗不當事机而協人情也至於不談人之過不形人之短  
乃其性然予嘗問其從兄叅政紫墩云癸未將會試而公  
在髫年送之同榻紫墩偶問之汝他日做好官做好人公


應曰好官不知好也今蓋棺事定而公做好人之志自少而壯而老可謂始終不渝者矣予惟天祐德善如公者宜畀之遐福今乃位未極公孤年不臻老老至竟止於斯謂之何哉意者立德立名此之謂不朽歟公配徐氏贈宜人太平知府蕙臯公女繼趙氏封宜人肇慶府推官小泉公女子四長錄徐出早世次鏗邑庠生娶山西布政使司叅議羅壁谷公女側室徐氏出次鏞娶子女次鈗皆側室李氏出女二長適禮部尚書李泉孫公之子進士鏞徐宜人出次幼李出將以某年某月某日葬於慈谿龍山之陽予與公居相近先後入翰林且數世交厚又結為婚姻知公者

莫予若也但衰拙不能叙述盛美姑自所得於紫墩與予所知者著為狀以備當代名公採擇焉



浙江圖書館






浙江圖書館

五



浙江圖書館

本  
6  
目




浙江圖書館

浙江圖書館善本

甲登記號：006666

一九 年 月 日



浙江圖書館

colorchecker CLASSIC



xrite



